

續修四庫全書

《續修四庫全書》編纂委員會編

續修四庫全書

上海古籍出版社

一四四七・集部・別集類

甌北集五十三卷（卷三十五至卷五十三）〔清〕趙翼撰……………一

聞音室詩集四卷遺文附刻一卷〔清〕王嘉曾撰……………二一七

培蔭軒詩集四卷 培蔭軒文集二卷 培蔭軒雜記一卷〔清〕胡季堂撰……………二六七

胥石詩存四卷 胥石文存一卷附錄一卷〔清〕吳蘭庭撰……………三七一

恩餘堂輯稿四卷〔清〕彭元瑞撰……………四二七

白華前稿六十卷（卷一至卷十七）〔清〕吳省欽撰……………五四三

甌北集卷三十五 壬子

陽湖 趙翼 雲崧

新春招程霖巖湯蓉溪二丈暨莊學晦家緘齋小集

少時遇老人輒思引而避豈知入暮年愛老轉有味新

春例宴客折簡首耆艾里中有皓首數叶商芝四年皆

開八秩程湯皆七十八莊七十五緘齋亦七十惟我齒猶未方當捧几杖敢便聯

襟襟惠然乃肯來竟援溫公例既免擁簪迎兼辭執醬

饋酒弗限三巡肴偶過五器維時近上元滿城簫鼓沸

寒家少長物華侈獨燈事執穀薄若空玻璃透無滓料

珠與明角一一出新製榮光助豪飲引滿連舉解老拳

甌北集 卷三十五

轟搏陣謎語鬪圖戲醉上凍梨面胥變朱顏麗一笑五

老峰突起樽俎地眼前此數翁看似無關繫庸知履舄

交中有昇平瑞一葉知秋風一花驗春氣自非仁壽期

曷此耄耄萃作詩傳他年或可洛社繼

上元後三日正堂過訪草堂次日夢樓亦至皆未

有風約也喜而有作後二首寄簡正堂

鵲噪晴簷信有因南轅北轍聚茲晨正堂自雲間來夢樓自京口至相思何

止三秋月不速欣來兩故人垂白關心惟舊雨軟紅回

首已前塵草堂纔過收燈後連夜重開一甕春

草聖詩魔歷苦甘夢樓書正堂詩皆夢樓也書生結習故多慙拾遺有疏

甌雙闕正堂以言事改官彌勒何年共一龕夢樓長齋念佛已久天下傳人儕

輩幾林間奇會翰林三惹他僮僕驚相笑都是迂疎不
急談

官似遊僧早打包初衣今遂返江郊胸中大庇千間厦

天上歸來一把茅空谷蘿牽人補屋畫梁泥落燕離巢

借他二陸雲間宅權寄江湖不繫匏君家蘇光居壯丹有名浙中今居將比攜家住雲間畫梁

學海迷茫未有涯何來捷徑指褒斜會從館閣親前輩

及見詩文有作家下筆誰分雌覓入聲字買脂爭寫牡丹

花君歸好振扶輪手報國文章事正賒

是日招立菴緘齋同集皆王祝二君京師舊友也

立菴有詩次韻

到此無端笑語粗一堂裾屐總吾徒人難舊雨聯牀再

甌北集 卷三十五

客與春風到座俱酒氣白浮杯浪湧燈光紅占月輪孤

擅場汝士詩先就壓倒香山老筆枯

回首春明餞別筵何期重此泛觥船連翩冠蓋猶前日

飄蕩江湖已暮年驛路寄書千里遠屋梁落月幾回圓

還期笠屐頻來過一曲賓雲再集仙

子才舊遇相士胡炳文決其六十三生子七十六

考終後果如期生子一驗宜無不驗矣去歲七

十六遂飾巾待期者一年并預索同人挽詩及

歲除竟不死乃又作除夕告存詩遍遺親友爰

戲贈八絕句

料理行裝一載忙飾巾仍不到樵陽五更待漏天還早

再吃朝房厚朴湯

添丁果驗洗兒綱預索灰釘乃不行術者莫非司馬懿

不能料平聲死只料生

耗筆閻羅未及勾遂教天網漏吞舟笑他袍笏風流宰

換作人間夜不收

割肉偷桃狡獪才九閩都怕此人來故應天亦難安頓

纔召巫陽又赦回

開口吳兒有是非戴逵求死反招譏此翁名士非高士

本不將身繫少微

年是新年人是陳過年只算再來人便將來世連今世

省得輪迴又換身

蘇北集 卷三十五

三

難星須滿一年期未飲屠酥尚抱疑想見呂昂爐底伏

幾番恐殺打雷時

莫怪輕炎解縛纏前身原是點蒼仙君自言前身點蒼山老猿仙人一

劫能逃過又可嬉遊五百年

偕立菴艤舟亭看梅小飲次韻

巾屨相隨踏東來艤舟亭叩寺門開出行有伴當攜杖

招飲無題借看梅老幹過冬猶健骨早花隔歲已懷胎

憑欄漸覺山池暖淺綠波痕欲上苔

壽全惕莊巖使六十

扶桑弧矢耀朝曦鈴閣歡聲頌介眉共喜木公金母宴

正當浴佛飯僧時公與美人生辰在四月八日玉杯香醞是箇微霽金帶圍

陶均藥校一片廣陵歌舞地滿城誰不祝蕃禧

信有人間富貴仙最繁華處駐旌旂百年士女春遊地

千里江淮月進錢最績早同劉晏粟清心仍酌隱之泉

欲知書景舒長甚是恢台四月天

題謝蘊山觀察種梅圖

梅花本豔質滿樹瓊瑤瑛不幸遇老逋始以寒瘦名遣

伴枯僧寂差配幽人貞庸知冰雪中獨領羣芳萌公子

楊裘來美人綈袂迎此乃富貴氣豈徒含孤清所以商

位置未可冷淡成宮闈珠藥明堂敞玉照明襯以紅羅

麗吹之瓊笛淨粉額壽陽點翠羽羅浮鳴庶幾稱花格

不落窮柴荆先生文章氣朝日見九英家傍大庾嶺官

蘇北集 卷三十五

四

應揚州城與梅有夙緣遷宦心仍縈構軒曰補梅繫健

步移幾程繪圖誌韻事課種趁曉晴晏家一株白間以

姑蘇頽嫩香蓓蕾綻淡色胭脂輕公餘偶索笑春風逗

簾旌況有三嬌兒差肩花下行崔梨釘座耀某迸出水

擊共花相映發角立刺史鑄始知君庭階信多玉樹榮

此段好游賞一洗寒乞情紙帳太薄相竹籬嫌荒倉前

有何水部後有宋廣平與君迭爲三替梅作主盟梅亦

慶得所不專高潔聲嘶彼孤山翁徒誇疎影橫官梅與

野梅固難一例評披圖爲梅幸問渠修幾生題罷忽自

笑吾方刷黃精

用立菴韻再寄夢樓芷堂

暮景難消碗礪粗剩將狂語駭胥徒漸成老物稀行輩
不薄今人尚耦俱木落自開山而出星繁愈顯月輪孤
道人靜洗觀空眼多少春華遞苑枯

天寒軟脚有賓筵都是抽帆到岸船故里過從乘下澤
昔人哀樂感中年一編書尚挑燈暗兩鬢霜慚對鏡圓
布韞芒鞋竹杖杖相期同作地行仙

送孔雲谷宰平樂

我所思兮在桂林喜君南去快登臨江山奇入楊蓮筆
簿領閒消定子琴酒樹崗人稱壽竚弓衣蠻女繡詩鍼
舊遊曾記多遺跡邕管相煩一訪尋

送查映山漕使入都

陳北集

卷三十五

五

家聲內相待丹楓

君曾祖聲山宮詹
康熙中直南書房

奉使今資轉漕功雙燕

塵清駿馬步千艘帆飽鯉魚風辭金暮夜虛齋白揮翰

雲烟畫燭紅報最殊遷有成何佇看節鉞鎮繁雄

年即解纜督令君亦巡漕
兩年最久進 宸鑒敬云

浙二子歌贈張仲雅程春廬兩孝廉

搖筆爲詩便傳世傳人將塞遍天地何以迢迢千百年
代只數人屈指計乃知異才不輕出河嶽英靈有深秘
老夫生平閱人多物色常愧一目羅何期垂白倦延訪
眼中突見雙巍峩張郎裾服名卿後閉戶披吟失昏晝
工夫手累十二基學殖胸包廿八宿險語不顧鬼膽破
奇思直穿月脇透危樞側足都盧綠猛火焦鬚霹靂門

程較金將爛似泥來嚼鐵且爆如豆摘驪頰珠寧待睡

探虎穴子不畏吼一聲喝我數日聾

半倚授程郎才大隘九州萬斛泉不擇地流鈺鋒莫當

徹扎鐵厚力能負載壑舟渥注神馬簡雲躡奇肱飛車

馭氣遊鯨波正澄紫碧澗蜃市忽幻青紅樓哥舒只持

槍半段栗碑兼使矛兩頭明珠走盤面而到機絲入扣

乙乙抽顧我豈當一指重對君方欲五體投

文章有神交有道晚年乃見此二妙倒屣追知論輩行

欵門幸不棄老耄譬如衰姬遇麗娟又似退將逢崇姚

斂眉敢復誇塗抹曳足猶思觀鼓噪徧衷我非不如才

欲與一決爭行枚却恐難堅背水陣不如早築避風臺

陳北集

卷三十五

六

乃知歐陽讓頭地正懼相逼先相推一言聊爲作嚆矢

天下人才浙二子他年應並坡谷傳此日敢將湜籍比

鹿覆園運使挽詞

忠節傳家守祖風經猷方仰濟時功生從燕趙悲歌處

力瘁江淮轉運中病久十圍腰帶減官清兩袖俸錢空

誰知身處脂膏地易費幾難備飾終

有以明人詩文集二百餘種來售余所知者乃不

及十之二三深自愧問見之陋而文人仰屋著

書不數百年終歸湮沒古今來如此者何限既

悼昔人亦行自嘆也感成四律

擔來卷帙滿軒櫺欲與先生面百城準擬驚人都有包

誰知點鬼也無名詒符幾費雕鐫苦元草殊慚鑒賞精
後視今猶今視昔登勝俯仰感殘榮

姓氏爭期著述留百年難駐況千秋馬空冀北誰朱丹
豕到遼東盡白頭辛苦珍裝千集腋混茫大海一浮漚
遺編不及能言鴨自把名呼向客舟

不知曾費幾敲推無限精靈付劫灰傳不傳真皆有命
想非想登盡無才騙人嘔血笑囊錦為爾收魂醬甌堆
始歎前賢深閱歷只教痛飲掌中杯

手捥雞毛筆一枝矣思不朽計原癡閭閻已欠圖生面
霧豹何曾刺死皮過眼春華風一陣到頭暮色雪千絲
却慚夢醒恒沙劫已是吟髭撚斷時

陳北集 卷三十五

七

揚州哭秋園之計

老去朋舊稀晨星日寥落何當遠耗來又惜一个弱憶
我初歸田君已臥林壑都講兩同年

庚午與君同考
癸卯亦稱同年

揀萼遊為同隊魚居比連巢鵲寓齋與君隣近過魯邾

拆寒酸兩措大詎有豪舉作鴈政三升沽局戲百錢博
馬座豎髮毛尋芳闕腰脚午飯市有脯夜歸門已鎖此

樂可忘死塵網安足縛我尋客揚州累君感離索自茲

不出門伏蟄如屈蠖我歸必相訪漸減舊雙鑲因君衰
態增知我暮景薄一見一回驚動作數日惡登期竟撒

手遙空馭笙鶴憶君六十時早自治衾櫛

君六十歲即製衣
具亦嘗有詩戲之

今又十八年已非意所度含飴到曾孫緡白供笑噱於

君復奚憾獨我悲寂寞紛紛交游中履舄漫交錯徵逐
水聚萍緩急風散萍離復似此老痛癢不隔膜他時買
舟歸陳迹宛猶昨風淒白雲渡花冷紅梅閣都成黃公
榼并負素車約魂遊渺何處蒼茫望邈廓

春農寓張氏樗園芍藥甚開招同未堂西澱松坪

既堂激楚諸同人譔集

婪尾花開地百弓白頭人擁艷粧紅赴招諸謔無生客
借境繁華屬寓公投轄不辭深夜月翻陪重憶舊春風
君昔官中書只憐勝景誰為主却累貧交治具工

壽松坪前輩七十

館閣清班廿載深恬懷中歲早抽簪二分月下清游地

陳北集 卷三十五

八

十七科前老翰林持節才曾收鐵網稱詩人共奉金針

耆英自有長年相壽骨崢嶸貫頂心

瑩麗圖中另一班茶烟禪榻愛蕭閒官餘蔡火歸猶讀

妻有梅花老不鰥小部笙歌紅豆曲名園亭館綠楊灣

關西入占江南樂千載風流繼對山

連日翻閱前人詩戲作效子才體

古來好詩本有數可奈前人都佔去想他怕我生同時

先出世來搶佳句並驅已落第二層突過難尋更高處

恨不切灰悉燒却讓我獨以一家著有人掩口笑我旁

世閒美好無盡藏古人寧遂無餘地代有作者任取將

浣紗女凸出環燕拔山人去生關張真仙不藉舊丹火

神醫自有新藥方能勝大敵始稱勇豈就矮人乃見長
君自不登樓百尺空妬他人在上牀

未堂司寇招同陳繩武郡丞醴集二八女郎清歌

伯酒因憶前歲亦與繩武就司寇花酒之飲今

侍客者非復舊人問知或嫁或死矣卽席感賦

又向東山聽艷歌司觥錄事有脩蛾奔輪歲月陶絲竹

嚼蠟心情狎綺羅綠髻斜欹花影亂朱顏暈入酒痕配

書生不慣銷魂地只解樽前喚奈何

一樣明燈照綺筵不堪重問舊嬋娟月明環珮歸何處

江冷琵琶過別船翠羽聲啾眞一夢龍華會散未多年

白頭三老欣無恙風景那禁裂老顛

甌北集

卷三十五

九

松坪墨博園韻見貽仍次奉荅

老去英雄不臂弓愛吟佳句剔燈紅青餘我眼心相賞

白到君頭髮亦公童律清音歌板月君新有小部笙歌之變竟未見招妓堂

香澤綺羅風君嘲余在末堂處花酒之飲衰年各有尋歡處異曲何妨一

樣工

春波射鴨竹枝弓久罷朝糸踏歌紅恰好往來成二老

直將閒適傲三公詩篇漫興無唐韻樽酒清談有晉風

回首宦遊餘一笑古粧已謝入時丁

春農寓齋窗外忽生新竹一枝賦詩自誇戲贈

與可千尋已覺長笑君譽竹更無雙揚州寓舍新篁茁

道自家園透過江君詩是戲嘲字外故冒雨波在江

月明鸞尾影娑娑掩映文憲隔皂羅莫是惠州都監女
夜寒偷看老東坡

孤竹君會傳二子勸君添个鳳池毛白頭笑倚欄杆說

階下龍孫爾許高君孫已遂拔明經

幽棲借得好林巒天與蒼筠伴歲寒便抵掛單童子寺

一枝日日報平安

輓唐再可

自我來揚州徵逐半舊雨能詩唐子西相識自軍府余從南君方官騰越州卽相識

兵塵苦江城多素心晨夕共樂數雞豚聯近局折簡迭

爲主花箋險韻慶葉格意錢賭談深燭屢敗飲醉蔗或

甌北集

卷三十五

十

舞鞋舞七八年風流映江濤就中君最健逐隊勇獨賈

蕭閒七十翁髮不白一縷井染陸展藥証飲張蒼乳熊

經而烏伸祕術擅禽玉丹元養鉛汞胎息調龍虎是以

老不衰徒步鐵脚股方常享大素光景日正午何期遽

飾巾霞飛倏化羽風輪一霎吹殿塌靈光魯衰年戀朋

舊豈必交肺腑老輩漸無多缺一難再補去歲悲吳剛

已赴脩月斧謝靈運今又弱一个益傷少儔伍流光下坂歲發

丸暮景穿編紵生死臂屈伸今背首仰俯哭君行自傷

等是殘更鼓

秋帆制府遠寄文幣珍裘詩以誌謝

故人高誼足千秋雙鯉書來道阻修桓桓久安驚肅戾

綵袍已感況珍裘杜陵漫想千閒厦溫嶠原居第一流
愧我空傳倚樓號不來黃鶴一登樓

一自春明散履綦雲泥從此跡差池丹黃自勘焚餘草
黑白閒看局外棋官罷逢人多醉尉老狂乞食到歌姬
如何寂寞滄江上尚有郇羹念故知

程霖岩湯蓉溪楊靜叔汪屏周四人皆甲午生舉
同甲會繪圖紀盛次韻奉題

耆英高會列長筵難得生辰共一年健比杜陵藍水宴
數符商嶺紫芝仙官雖大小皆華髮齒不參差恰並肩
漫向香山圖九老四人同甲倍堪傳

當時羊酒賀孤懸今日俱看享大年豈判虞庠鄉國老

藏北集 卷三十五 土

恰如句曲弟兄仙山中宏景將方眼海上洪崖許拍肩
題筆幾忘生也晚欲添五老作圖傳

孫介眉太守招同霖岩丈暨立菴樸齋食鱸魚頭
羹戲爲作歌

孫公治具擅精巧就中鱸魚羹更好習家故有百畝池
魚出君家鶴蕩網得修鱗脩清醪從來一物有一味一味中又各
分地猩以脣見珍熊因掌斯嗜豪誇紫駝峯官賞爛羊
胃雞臠矜厨娘牛心啖名士卽以水族論腹髻應候異
蚌推瑤柱鮮蟹取甲裳膩是知一物身內又別粗細鱸
魚之美乃在頭頭大於身如兜鍪雖不能戴蓬山觸不
周却有雋味凝入活髑髏本非冬烘狀詎有風眩愁負

此殊九秘不得張腮鼓頰突兩眸似欲出頭地策勲岸
頭後肯作元談居士縮頭項并非白簡參政鯁咽喉先
生顧而笑其中有奧妙爾既奮頭願作高敖曹何妨成
爾斷頭將軍號於焉奏車斤藉席藁調以滑甘滌澆融
笔以辛辣桂薑擣火攻炭選鴛鴦青武煨文煎百沸到
湯老客來薄暮始設食制烹乃自天未曉一盃如缸擊
出堂果然香味先向鼻觀繞豈無水陸諸珍並羅列都
作元白被壓倒老夫不覺攘臂舉饒奴太岳今朝纔一
飽朶頤且快我咬咀碎首那顧他苦惱此魚昨夜遊濠
梁定已夢人伏而鹽其腦

題長椿寺九蓮菩薩畫像 改舊作

藏北集 卷三十五 土

城西南寺名長椿中有寶繪參天人貴極重閣禪翟賤
誠皈依棄戒衣尊當日隆稱觀自在至今遺像儼生存
從來母后當冲帝每利菟孤擅神器女中堯舜有幾人
朝端平勃愁無計賤婢驕稱中大人權閹寢侈十常侍
太廟祠披袞服臨外家臘改黑貂祭鶴將木刻龍新歡
旣以人爲鸞舊變飄絮猶歌楊白花摘瓜幾盡黃臺蒂
獨有前朝家法嚴九推孝定性和恬恐辜末命黃羅托
不慕朝儀紫袖瞻政委相公批勅尾課勤幼主讀書簽
經筵進講親催盟曲部聽歌痛示矻期屆大婚移殿早
禮尊正嫡過宮謙和意應愧常稱制光祿猶多一撤簾
國儲未定妖書起官家汝亦都人子從此青宮有所歸

一語勝他千御史璇室提躬四十春九蓮菩薩本前身
漢家賢母師黃老今奉如來亦淨因湧現化城輝紺碧
莊嚴香界布金銀要令人識清修業特賜禪林法相眞
着色生綃閣立本白描神筆李公麟想當玉軸頒來日
繡繖珠旛溫九闔諸佛也應投地拜榮光萬丈耀金輪
轉眼孫曾遭百六丹青也入滄桑錄蓮花世界滿刀兵
貝葉經堂橫血肉可憐萬里好山河無地可懸圖一幅
社飯誰還念老身僧寮聊復存遺蹟深谷高陵何代無
微聲終自冠椒塗道清死免僉名辱鈞弋生偏享福殊
來自西天乘鳳羽是時崇中建九蓮閣聖慈保壽
一鳳而九首見楊見輔玉童首說去歸南海比
龍胡慈客滿月零縑在羞殺臨朝武后圖

蘇北集

卷三十五

三

岳祠銅爵

桐鄉金德輿得一銅爵口內鐫精忠報國字旁

銅岳珂建造蓋宋阜陵賜卹岳忠武後珂所製

祠中祭器也咏者甚多爲賦四律

鄂國祠堂禮器存土花碧不蝕精魂壯懷未飲黃龍酒

故物如傳白獸尊金已鑄身當日痛岳元幹精忠類編宋孝宗
痛時知公冤以金鑄其

像字仍涅背舊時痕金陀坊裏文孫製始信忠勲有後

昆

欸識摩挲重感傷英雄豈愛一杯漿豐功不畫凌烟閣

奇禍翻遭偃月堂把此定應浮大白至今空與注流黃

稍欣一樣婦帥力鐵像募成跪墓旁

賜卹曾盛湛露波知公遺恨尚難磨獄寃雖已昭三字
家祭終非告兩河聊抵鼎銘傳世古何須圭瓚報功多
滄桑劫後金甌碎剩此殘樽作象犧
量容不及二升觚偏有興亡繫故都服匿兩宮終飲酪
背鬼千騎忍提壺背鬼本隨身酒器
公以名其親軍珍逾武肅傳家券氣壓
宜和博古圖完壁倚歸祠廟祭椒馨應更滿西湖
盧抱經學士以雍正壬子補弟子員今歲壬子又
見諸生遊庠作重逢入泮詩紀事敬賀四律
六十年前泮水塘又逢擢秀蔚成行佛家最重初禪地
老將重經舊戰場好繼弁山編盛事王介洲有呈
明盛事錄已同魯
殿歸靈光阿婆歲晚看新嫁未免風情憶靚粧

蘇北集

卷三十五

四

宮墻重到髣毛斑又見新郎出綴班尚有昔年題字柱

便當古蹟棄繻關遙知見獵心還壯可有追風足許攀

恰似六壬前定數周天花甲已循環

局外人看局內棋頭巾久作弁髦遺誰知白首窮經日

還似青衿肄雅時校字有訛階掃葉借書無券酒盈瓶

諸生莫漫扳同歲一一風規是汝師

見恆河性故依然迴憶初程發朝年汲古遂探羣玉府

步虛直到大羅天榮持蕩節爲星使老叟節枝作地仙

定滿荀卿三祭酒看公會到曲江筵

松坪七旬稱慶余已有詩奉賀嗣君次生又索屏

風詞爰補前詩所未及

已抒長句伯瓊危又索屏風介壽詞恰似海籌多益善
祝公添歲我添詩

早登仕籍早歸田不用持籌但使錢詩酒笙歌娛到老
始知世有地行仙

烟花夢入斷塵根禪榻旁無翠黛痕早喜析薪能負荷
不須多子但多孫

館閣常踈步廊廡轉於林下得相親十年邢水過從久
我亦隨公作老人

題岫雲女史雙清閣詩本 沈既堂先生女

詞垣宿素沈東陽家學流芳奕葉長不獨敬倫能似父
掃眉嬌女亦文章

廐北集

卷三十五

五

隔紗未試解圍兵展卷偏教見性情絕似李墓塋外聽
一枝玉笛最分明

憶嬌思親點筆遲蘭荃香入墨痕滋始知閨閣真風雅
不在香奩艷體詩

略識之無便目存生平未上學堂門由來慧業關天授
待有人教已鉅根

繡閣才名錢孟鈿 吾鄉錢文敏公女孟鈿最工詩 何當旗鼓對鳴騶玉臺他

日新咏江北江南兩女仙

和詩

沈在秀 岫雲

於人今喜見歐陽風雅淵源教澤長一部新詩傳萬
口得聞夫子是文章

元凱胸羅武庫兵悠然林下見高情挑燈夜誦琳瑯
句不覺晨暉已漏明

自愧工夫領悟遲何當小草感培植滋雕麟遺則傳三
百未學周南敢論詩

檢點巾箱偶命存幸承庭訓卽師門別裁僞體吾家
派綺麗原難見本根

未肯香奩咏翠鈿門牆安定況陶甄從今更奉金丹
藥凡骨何時得換仙

送億孫入都補中書

是我歸田歲看君出仕纔釣遊雖雅尚館閣正需才著
述成家久江山挽轡來秋風方颯爽十幅布帆開

廐北集

卷三十五

六

舊德尚書重華資學士清龍頭家故物鳳沼宦初程暫
草綸扉制行題杏苑名烏衣門第在待爾振英聲

薇省吾曾直歸耕跡久違紗誰籠壁字筭已登朝衣去
國桃千樹流年柳十圍巢痕想如舊回首五雲飛

鄉國稀同調惟君結契深文章千古事甘苦兩人心此
去關河阻吾衰歲月駛尚能重見否不覺涕沾襟

京口訪夢樓聽其雛姬度曲

廿載清齋禮佛香翻將禪悅寄紅粧花鬢十六天魔舞
另是僧家一道場

手剔銀釭畫燭明愛留客坐聽新聲人問何限霓裳曲
出自家姬覺有情

談段新翻指點勞要令姿致極妖嬈自家忘却便便腹
只管教他學柳腰

恐將寒儉惹人嫌特與新裁綺縠纖蓮步出堂嬌顧影
傲他率地夏侯簾

笑我家貧赤脚多空思百琲買娉娥鄭康成婢香山姬
只解吟詩不解歌

城鎗催人曲未終令嚴帥府鼓鑿鑿出城笑這將軍俗
不及羊羔老党公

城鎗係備帥所掌
定更後即難出城

遊棲霞

生平慕栖霞登覽苦不早諸兒赴鄉闈水行乃便道我
出遂有名借題曰送考路循新開河扁舟一帆嫻時方

陝北集

卷三十五

七

近場屋文貴揣摩巧一路好景光戒勿心目擾兒輩竊
有言訓詞非不好夫子教我正乃自愛游眺

秋賦集多士千艘泊江隈守風各無聊齊叩山門開我
行難其中躡險凌崔嵬山僧了不識疑亦赴舉來憫其

髡似雪勉以心勿灰庸知早通籍廿年掛冠回入羣鳥
不亂忘機鷗無猜乃知我顏狀未改老秀才

茲山亦何奇樹多徑又曲松杉萬株森磴道百盤複淩
翠襲人衣紆途炫人目遂覺數里間盡日探不足惜哉

少山泉一池僅盈掬安得瀑布飛澗流亦不續譬如好
顏面只欠秋波淥天地無全功可以悟盈縮

昔賢捨宅處遺跡燕已久近時尹相公實始剔巖數爲

邀翠華臨意匠運不苟剗土出石壁削坡監棋枰頓
使靈境開快得未曾有公也遺愛多惠政十八九至今

三十年漸不掛人口惟數茲山緣猶知出公手山來身
後名有托斯不朽所以羊叔子往往醉峴首

金陵過前明故宮城

廣衢九軌接城闌勝國遺規半未湮流水不瀉金粉氣
故宮已見採樵人百年史冊殘棋譜一片江山浩劫塵
老去只貪娛景物漸無閒淚爲沾巾

留別子才

清游訪遍六朝基又向隨園接履綦卿亦流連中一物
我無文字外相知延年早入長生籍想舊著錄新添本事

陝北集

卷三十五

七

詩君方輿
轉語話莫怪浮屠不三宿已勝返棹剡溪時

泊燕子磯遊永濟寺

名藍風景故依然屋宇無多得勢偏壁立山疑神斧削
岩栖僧作鳥窠禪記遊無復前題字攬勝欣留再到緣

一樹杪羅舊相識曾經見我黑頭年

遊金陵雜詩

十幅蒲帆兩草鞋借名送考到秦淮老夫別有西來意
半爲栖霞半簡齋

寒衾牽來狗不如跨鞍難穩且呼車生平跋馬千山遍
老去翻愁一禿驢

欲騎驢遊栖霞老不
能跨驢仍呼符輿

入筆雙高不可攀雲烟俱養掩禪關京華四十年前友

頭白相逢在攝山

老友張玉川精繪事
久寓栖霞是日同遊

逆風船似挽強弓
篙橈爭途夾港中
忽漫開帆天解闕

此船不占彼船風

逆橫風之次
日順風出江

興亡局似去來湖
南部烟花尚未消
丁字簾前一條水
河房燈火見前朝

名紙填門奉玷壇
隨園豪舉欲留餐
靈山五百阿羅漢

一個觀音請客難

子才招飲余以
其客多故不赴

燕子磯頭落日懸
支鉅重到廿餘年
阻風中酒曾遊地

垂老經過倍惘然

余昔自黔歸守風
燕子磯凡九日

揚帆百里不多時
諺語江湖可入詩
只有快船無快馬

舟人語
詩家無此句新奇

蘇北集

卷三十五

九

雞鳴山蔣侯廟後殿塑仙妹蓋即其眷屬也不知

何年訛爲織女遂有織造使者葺而新之并蔣

侯像亦加飾焉天神人鬼混爲一家可發一笑

戲爲詩正之

一尉逐賊死現神自孫吳至今雞鳴山遺廟尙一區

旒坐正殿後宮列羣姝想即其眷屬附祠聯禱禱何年

訛織女錦機繅絲約匏瓜久獨處善保千金軀何至寄

人廡弗隔一戶樞仙靈已無邪想不妨耦俱不然瓜李

嫌竟滅禮法拘己貪宅分邱便可雲行巫渡不藉橋鵲

飛寧煩烏鳬翻笑七夕期歲只一歡娛由來愚俗謬神

鬼亦被誣在昔梁山神配以汾陰姑亦有杜十娘遺嫁

伍髭鬚甚至帝舜廟武后竝結跌擡取娥英位獨占有

繆虞幻瀆太不經同此堪胡盧獨恠蔣子文身後遇何

殊紫髯已肇祀侯封號中都六朝加帝稱肝饗羣奔趨

拔白晝出盪刀槩耀市衢後雖氣燄衰僅祭茲山隅乃

又屈天孫來伴絳羅帳生以忠殞命死有邑報劬奇緣

出非望真乃樂不圖只愁上界聞按律問擡輪齊姜本

非偶羅敷自有夫亟防牽牛郎來援河鼓枹

金川門

大本堂摧懿文死應立燕王爲太子以賢事皆順

屏孫亦得免刀几乃留弱幹制強枝召亂本由洪武起

臨濠奮跡開草昧豪傑才兼聖賢理目不知書性有書

蘇北集

卷三十五

十

每就儒生講經旨檀弓開卷重立孫春秋特筆譏逆祀

千年成說牢不破此語燕閒久入耳遂將神器付太孫

分國諸王稟同軌豈知弊即起蕭牆臂小何能使巨指

削籬方工通錯策構兵遂蹈張方壘王師轉戰力不支

夜半翻城九江李紇冕燿灰火滿天播紳赤族血流水

可憐十人金川門慘過晉家蕩陰里向使當初改建儲

叔正青宮姪朱邸臨淄自能厚本支臨賀豈遂干倫紀

何至一家骨肉殘家嗣翻成若敖鬼我來經過吊陳跡

終覺高皇計失此處常無事貴守經銷患未形難據禮

徒將誤國咎方黃猶未窮源推禍始

靈谷寺

朝陽門外訪名藍一徑雲深萬綠參真主生前求葬地
神僧死後徒禪龕無梁殿築花飄厚寺中無梁殿最雄敞過潁泉流
竹覓甘立竿於泉脉處泉從竿中通上流入僧廚回首孝陵惟墓戶鐘魚翻過一瞿曇

水晶屏

孝陵衛觀音寺座後屏乃一石渾成高廣各二丈厚三尺有奇質細膩如玉色微紅石之大且美人間殆無兩也背後鐫水晶屏三字

此石應無兩規方二丈竄豈從靈驚斷除是巨鼇擎端正堪丹辰光融似水晶倘非神運到壓殺萬牛耕

報恩寺塔二十四韻

甌北集

卷三十五

主

傑構崇千尺前朝一刹竿事因慚德起財以報恩殫欲借義蒿威聊漁骨肉殘天開新宰堵地鎮古長干戰伐矜餘力莊嚴出大觀輪蹄精衛運埏埴女媧搏遂蘊浮圖峻平臨象緯寒九層危折屐萬堞俯憑欄杳棟霞連紫琉璃日耀丹江山窮遠日金碧駭飛翰勢極凌虛迴工尤入細難天紋浮翡翠石質琢琅玕梯級千梳轉龕燈百盞攢綺疏雲錦繡畫壁海波瀾累篋衣無縫巧堵額登瘕是誰都料匠幾費管勾官想見尖初令爭諠績不刊幽冥資薦福靈爽慰貽安不有捫心愧焉成仰面看直思欺佛慧豈果得親歡世已更基劫基猶鞏石磐天樞唐折柱露掌漢傾盤獨此雄都會常教聳戒壇惟

應歸佛力恩怨總無端

可型內弟自甌寧罷官歸慰贈

出幸纔三載匆匆似掛單腐儒爲吏拙貧宦事人難贏得顛毛白聊嘗荔子丹多君瀟灑意飢破不回看只道琴堂好全家可食和翻無臺避債幾置獄追逋劉寵錢能幾平原米孰輸妻孥滯甌越典賣到天災憶曾官浦上頗耐廣文貧臺有歌風蹟門多立雪人至今思牧豬轉覺勝勞薪諫果多回味知君念昔因賴有西江潤能虛潤轍枯令姪合州牧印全代償數千金始得歸始知家孝友堪共命艱虞祖父遺風厚詩書食報劬得歸聊慰意先業本寒儒

甌北集

卷三十五

主

郡城菊事甚盛與立巷雲驤曉東子蕃絨齋更番

治具爲看花之會流連匝月不可無詩

人生何者是眞福飲酒看花一生足只愁此願徒虛語讓他人樂死義之獨今年秋稔人豪華家家買菊堆成霞老夫聞之興勃發招邀同志爲窮奢看花先不可無酒治具更番賂適口官場珍錯盡不用惟取活殺飛潛走黃雀綿厚耐咬咀紫蠟甲堅費剔剖就中九數高家肴綠頭雄鴨九斤九累入啖到腹彭亨翻惱厨娘太好事有時酒後出看花相攜闖過東西家到門不復煩典謁直入赫煞雙鬢鴉亦有自排花當上聲整徹夜張燈對花飲紅燭高燒照靚粧坐到四更風露冷間日必一集一

集必竟日那顧酒債增但恐花事畢嗚呼此樂不易得
偶然遇之莫輕擲百年能有幾閒時一鄉能有幾閒客
不見袍鞬踏鼓人陶家籬畔無游跡

至揚州約同人作青魚會會將通適子才至又更
互設饌迭相招陪今年口福殊勝也戲呈子才
及諸同人

先生今年口福高在家一月既老饕揚州又作青魚會
招邀素心凡幾輩此魚宜冬不宜夏及冬不食復何待
揚人不識魚味殊饒奴只解尋腹腴怪我專以骨敬客
留肉自享主誼無久之始悟美在此近骨者佳頭與尾
遂令此魚價頓昂哄得滿城動食指同儕排日迭傳杯

蘇北集 卷三十五

忙殺盤興往復回吃到輪番剛欲遍隔江又報故人來
故人來復遞相款雅集重開續宴衍連朝傳食東西家
自家翻覺厨烟斷噫嘻乎人生真樂惟食色少年已過
不必說久將嚼蠟看橫陳只要殘牙快舖啜如此歡場
動淡旬庶幾不負暮年身斷蓬咬菜成何事老去甘爲
飲食人

題錢曙川竹初庵圖

圖名竹初庵宜寫簣簣谷竹萌桃正華乃以桃伴竹寫
出十株百株紅映入三竿兩竿綠作圖時正擁印牀敢
期結願後必償圖成七年竟踐諾歸購娜嬛手荒度青
蛺落到雅人手幻出荆關得意作雖無萬竹千桃花小

山有銍池有釣輞川長卷縮本暮牛畝中迴幾林薄君
才況擅畫詩書典到解衣一磅礴幼典遂置邱壑裏身
兼富貴神仙樂看君出仕看君歸我亦當年早息機只
爲買山錢太少至今未就釣魚磯羨君圍成頭尚黑不
改圖中好顏色趁取腰強脚健年儘消臨水登山力其
高或可攀其年不可及

題徐荆山憲副水石清娛遺照

中丞遺像滿清芬水竹儵然寄所欣生有封章肅祀典
受之羅行死曾名筆作碑文公墓誌爲朱竹垞所作百年人已歸青史一
畝宮猶傍白雲公家在白雲前草風期苑堪挹披圖敢惜辨香

蘇北集 卷三十五

奇中丞麗川由江南藩伯擢撫本省子才爲作江
左歌聲圖索題卽次子才韻

詔恩榮拜八軀馳父老紛迎樂可知惠澤久行千里潤
人情已覺十年遲從知位重才逾展最喜官遷地不移
畫手巧傳驂葆景絕勝頌魯有奚斯

襟期朗徹玉壺冰保障東南力獨勝大庇正恢寒士厦
先容豈有導師燈名叨說項才真忝身得瞻韓價自增
公在平南與從末授職不知姓名何以得遊字若星屬吏職詩並書蘇門公秋於公于於從此便應來負弩吳閭一水
接毘陵

眞州蕭娘製糕餅最有名人呼爲蕭美人點心子
才覓以餽中丞中丞寵之以詩一時傳爲佳話

余亦作六絕句

帶得脂香價便高一奩粉餌入風騷美人手段才人筆
補出劉郎九日糕

織纖素手擅拈針改製饅飴味自深這箇麻姑好指爪
不搔人背點人心

已是徐娘半老時年已五十餘芳名猶重美人貽不知年少當

爐日幾許游人妬餅師

一技成家動貴游遂憑食譜姓名留蘇東坡肉眉公餅
此女公然另出頭

饋節聊同獻曝情竟邀椽筆賜褒榮始知大雅羅材廣
錄到人間畫餅名

蘇北集

卷五

五

馳車涎早溢殘牙齒盞何當送我家爲語故人應捧腹
老饕饒口嚼梅花

遊高旻寺贈清涼上人

來往頻年數禪關總未登誰知三寶地獨有一詩僧定
力降魔杵圓光禮佛燈從今已公屋每過好支藤

猊拂安心處烟凝篤禱香稱詩才子氣持戒少年場芥
孔須彌座鈴言替戾阿神通羅什大開口喫針鉞

最是禪堂寂圃蕉證淨因結趺成土偶絨口豈金人柳
或將生肘花應不染身出家殊太苦吾不羨修真是夢觀僧

船馬交馳處中藏地百弓始知虛室自能隔軟塵紅身
已安單穩才仍出世雄繃流三百輩齊守木師風

白頭

白頭何復傍人門口舌徒爭覆水盆豈忍伯仁由我死
可憐禹錫有親存緣撞身本危竿試救劫棋難敗局翻
只有掩關澄水觀任他塵事日囂喧

蘇北集

卷五

五

甌北集卷三十六

陽湖 趙翼 雲松

癸丑元日樹齋大司馬奉使過常余偕達夫敬輿

可型迎謁舟次皆少時與公同筆硯友也別後

御寄

新歲纔開一葉莫喜逢畫簫過郵亭故人天上班卿月

野老田間候使星馳傳旌麾催治獄對牀風雨憶橫經
感公不隔雲泥迹頭白相看眼倍青

蓉溪八十壽詩

錦堂瑞色麗朝曦八秩筵開北斗杓官喜廳庭開府貴

人欽鶴髮杖朝尊寶珎同拜 三霄話繡襦行看五代

甌北集

卷三十六

孫其識韶華春正永早梅花放恰初暄

家門鼎盛中當時厚德偏隆養福基困粟萬鍾分歲款
突烟幾處待晨炊聞尋山水呼雙槳偶遇笙歌醉一卮

黃色上眉丹渥面會看老健到期頤

陳渡橋唐荆川讀書處

前賢遺墅綠楊灣水木清華遠市闌並世文章無北地
當年聲望此東山盛名難免求全毀晚節終看歷試艱

剩有門前一泓水曾經照見髭毛斑

壽程霖巖丈八十

支本

八秩開嘉慶 三朝閱太平家聲賢宰相耆德老書生

暫擁臯比講會曾登仍歸馬牧耕行藏南無泰江左一儒

英

師資曾撰杖後學仰傳弓名避三徵外文高四皓中

溪江屏別靜寂與公年昔今故以四皓稱之門原多立雪帳已敵扶風老斲輪無恙

猶能指點工

猶子仍親子文星兼壽星邱明育作傳伏勝老傳經花

萼編遺集會刻文山雪憶敬亭祝公開眼笑頻看稻孫青

公兩目俱盲故藏之

去冬已辭安定講席今麗川中丞又欲挽留詩以

誌意

平山堂下幾沿洄一覺揚州夢已回豈可待人麾使去

且休勸我食嗟來驢駒駕或催王式駿骨求空寵郭隗

甌北集

卷三十六

小別竹西歌吹路好風吹處片帆開

白桃花和既堂

一種穠華玉作根曼殊獨壓衆芳繁武溪水映春無色
露井風開月有痕莫是綈衣還入夢直教紅粉不銷魂

夕陽倩影欣相對翻愧酡顏醉酒尊

錯認梨花帶雨嬌一枝素艷倍天天映來人面無紅暈

寫出春魂有白描絕色東隣顏太潔淡粧西子粉都消

崔娘枉自誇能韻不用兼將雪水調

仙源花正終天明紅雨香中獨潔清縱使近朱寧變赤

自甘守素不更名渡江船看人如玉種樹庭應觀號瓊

何物吳娃能白戰胭脂陣總豈降旌